



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

LXX. S. Deusdedit. Anno Christi 615. Heraclii Imperatoris 6.

[urn:nbn:de:hbz:466:1-65446](https://nbn-resolving.org/urn:nbn:de:hbz:466:1-65446)

Ecclesia hæc nunc quoque visitur Romæ, diciturque *Rotunda* ob ædificii formam.

Baronius in Martyrolog. Rom. Kal. Novembr. *Ut omnium simul Martyrum unâ eadêmq; die celebritas ageretur, ex Bonifacii Papæ institutione Romæ est sumptum exordium. Postmodum verò, quod Romæ tantum peculiariter agebatur, Gregorius Papa IV. cæteris Occidentalis Orbis Ecclesiis faciendum præcepit.*

(2) Extat decretum apud Gratianum 16. quæst. 1. cap. *Sunt nonnulli* 25. apud Labbeum tom. 5. Conc. pag. 1618.

LXX.

S. DEUSDEDIT.

ANNO CHRISTI 615.

HERACLII IMPERATORIS 6.

DEUSSDEDIT Romanus anno Bar. an. 615. §. 1. XIV. Kal. Novembr. Bonifacium IV. excepit. Pag. §. 6. Subdiaconusne fuerit, an Subdiaconi filius, minus compertum est. (1) Eximia ejus sanctitatis, quia, scriptorum inopia, plura non possumus proferre testimonia, uno erimus contenti, quod ex eo conjici poterit, quam charus Deo fuerit. Bar. an. 615. §. 8. Cum enim elephantate

U 3

Romæ

Romæ grassante ægrotos conveniret, nescio quem tali morbo laborantem osculo restituit incolumitati pristinæ. Laudatur etiam ab Auctore libri Pontificalis ejus in Clerum amor & beneficentia, diciturque *secundam Missam in Clero constituisse.* (2) Mortuus est V. Idus Novembr. anno 618. Pontificatus tertio, ac die vicesimo.

Bar. an.
617. §. 1.
Pag. §. 2.

ANNOTATIONES.

(1) Exemplar Anastasii, quo usus est Baronius ad an. 614. §. 1. ita habet: *Deus dedit filius Stephani ex Subdiacono sedis annos tres.* Quare ita subjungit auctor Eminentissimus: *Ut autem Subdiaconus Romanus Pontifex crearetur, nunc primum accidit absque majorum exemplo.* Sed illum Anastasii locum alii ita restitunt: *Deus dedit ex Patre Stephano Subdiaconum* atque ajunt, Deus dedit non fuisse Subdiaconum, sed Subdiaconi filium. Causa cur id asserant, ea est, quia habent pro certo, nullum hæcenus Romanum Pontificem electum ex numero Subdiaconorum. Ast Liberatus Silverio æqualis cap. 22. Breviarium refert, eundem *Silverium Subdiaconum* creatum fuisse Romanum Pontificem. Itaque adhuc incertum est, utra ex duabus illis lectionibus sit alteri præferenda. Fortasse licuit Subdiaconos eligere usque ad Ste-

Stephanum III. qui anno 769. habitâ Romæ Synodo, interdixit sub anathemate, *ne ullus unquam præsumat laicorum, neque ex alio ordine, nisi per distinctos gradus ascendens, Diaconus aut Presbyter Cardinalis factus fuerit, ad sacrum Pontificatus honorem promoveri, ut est apud Anastasium in vita Stephani III. pag. 227.*

(2) Multò ante hunc Pontificem iterari consuevisse Missæ sacrificium, tradit Leo Magnus epist. 11. aliàs 81. ad Dioscorum Alexandrinum cap. 2. *Illud quoque volumus custodiri, ut cum solemnior quæque festivitas conventum populi numerosioris indixerit, & ea Fidelium multitudo convenerit, quam recipere Basilica simul una non possit, Sacrificii oblatio indubitanter iteretur: ne his tantum admissis ad hanc devotionem, qui primi advenerint, videantur hi, qui postmodum confluxerint, non recepti: cum plenum pietatis, atque rationis sit, ut quoties Basilicam, in qua agitur, presentia nova plebis impleverit, toties Sacrificium subsequens offeratur.* Fortasse quod Leo necessitate urgente, id Deusdedit fieri permisit causâ pietatis in Deum.

Quesnellus in Notis ad citatam epistolam S. Leonis pag. 439. *Notanda hæc loquendi ratio: In qua agitur: quâ Sacrificium Missæ significatur. Agere enim*

Et sacrificare idem sunt, unde Et Actio dicitur ipsa consecratio in Canone: infra Actionem, & Agenda saepe usurpatur pro Missa, Vide Bonam lib. I. Rer. Liturgic. cap. 14. §. 4.

LXXI.

BONIFACIUS V.

ANNO CHRISTI 619.

HERACLII IMPERATORIS 10.

Bar. an. 617. §. 3. Pag. §. 3. **BONIFACIUS V.** Joannis filius, Neapolitanus, anno 619. X. Kal. Januar. Pontificatum accepit, gessit-

que annos quinque & menses decem, mortuus anno 625. ante diem XI. Kal. Novembris. Hic ab Heterodoxis in eo est reprehensus, quod in epistola ad Eduinum Regem Anglorum, quâ eum hortatur ad Fidem Christi suscipiendam, docuerit, Christum ab *solo* Originali peccato nos redemisse. Primum nego, vocem illam *solo* in ea epistola existare, (1) deinde si existat, nego esse reprehendendam. Quod enim Bonifacius meminerit solius Originalis peccati, non aliorum peccatorum, causa fuit, quia peccatum originale est principale